



**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ՏԱՐԱԾՔԱՅԻՆ ԿԱՌԱՎԱՐՄԱՆ ԵՎ ԵՆԹԱԿԱՌՈՒՑՎԱԾՔՆԵՐԻ ՆԱԽԱՐԱՐ**

Երևան-0010, Հանրապետության հր. Կառավարական տուն 3

“21” 2024թ.

N..... 518-Ն

Հ Ր Ա Մ Ա Ն

**ԱՂԲԻ ՀԱՎԱՔՄԱՆ ԵՎ ՓՈԽԱԴՐՄԱՆ ՀԱՄԱՐ ՆԵՐԳՐԱՎՎՈՂ
ԿԱԶՄԱԿԵՐՊՈՒԹՅՈՒՆՆԵՐԻ ՀԱՄԱՐ ԳՈՐԾՈՒՆԵՈՒԹՅԱՆ ՊԱՅՄԱՆՆԵՐԸ
ՀԱՍՏԱՏԵԼՈՒ ՄԱՍԻՆ**

Ղեկավարվելով «Աղբահանության և սանիտարական մաքրման մասին» օրենքի 4.2-րդ հոդվածի 1-ին մասի 4.1)-ին կետի դրույթներով՝

ՀՐԱՄԱՅՈՒՄ ԵՄ

1. Հաստատել աղբի հավաքման և փոխադրման համար ներգրավվող կազմակերպությունների համար գործունեության պայմանները՝ համաձայն հավելվածի:
2. Սույն հրամանն ուժի մեջ է մտնում հրապարակմանը հաջորդող օրվանից:

3/21/2024

X

ԳՆԵԼ ՍԱՆՈՍՅԱՆ

ՆԱԽԱՐԱՐ՝

Signed by: SANOSYAN GNEL 1710830069

Գ. ՍԱՆՈՍՅԱՆ

ք. Երևան

ԱՂԲԻ ՀԱՎԱՔՄԱՆ ԵՎ ՓՈԽԱԴՐՄԱՆ ՀԱՄԱՐ ՆԵՐԳՐԱՎՎՈՂ ԿԱԶՄԱԿԵՐՊՈՒԹՅՈՒՆՆԵՐԻ ՀԱՄԱՐ ԳՈՐԾՈՒՆԵՈՒԹՅԱՆ ՊԱՅՄԱՆՆԵՐ

1. ԿԻՐԱՌՄԱՆ ՈԼՈՐՏԸ

1. Սույն պայմանները սահմանում են Հայաստանի Հանրապետության տարածքում աղբահանության ոլորտում ներգրավվող կազմակերպությունների, մասնավորապես աղբի հավաքման և փոխադրման գործընթացների հետ կապված հարաբերությունները:

2. Սույն պայմանների սահմանումը բխում է գոյացող աղբի պատշաճ հավաքման և փոխադրման ընթացքում էկոլոգիապես անվտանգ պայմանների ապահովման անհրաժեշտությունից: Սույն պայմաններում «աղբ» հասկացությունը կիրառվում է «Աղբահանության և սանիտարական մաքրման մասին» օրենքով սահմանված իմաստով և «Թափոնների մասին» օրենքով սահմանված «կոշտ կենցաղային թափոն» հասկացության իմաստով:

3. Սույն պայմանների կիրառումը պարտադիր են տեղական ինքնակառավարման մարմինների, իրավաբանական անձանց և անհատ ձեռնարկատերերի համար, որոնք իրականացնում են աղբի հավաքման ու տեղափոխման գործառույթները:

2. ԸՆԴՀԱՆՈՒՐ ԴՐՈՒՅԹՆԵՐ

4. Սույն պայմանների կիրառմամբ նախատեսվում է բնակչության համար հարմարավետ և էկոլոգիապես անվտանգ պայմանների ապահովմամբ նախադրյալներ ստեղծել բնակչությանը կայուն, հուսալի և պարտադիր աղբահանության ծառայություններ մատուցելու համար:

5. Սույն պայմանների կիրառման նպատակն է ապահովել աղբի պատշաճ հավաքումը, աղբահանության և սանիտարական մաքրման ծառայությունների բարելավումը, համապատասխան հագեցվածությամբ աղբահանության ծառայությունների ապահովումը,

ինչպես նաև սույն պայմանների սահմանմամբ առաջարկվում է ներդնել վերահսկողական մեխանիզմներ:

3. ԱՂԲԻ ՀԱՎԱՔՄԱՆ և ՓՈԽԱԴՐՄԱՆ ՀԱՄԱՐ ՆԵՐԳՐԱՎՎՈՂ ԿԱԶՄԱԿԵՐՊՈՒԹՅՈՒՆՆԵՐԻ ԳՈՐԾՈՒՆԵՈՒԹՅԱՆ ՊԱՅՄԱՆՆԵՐԸ

6. Աղբի հավաքման և փոխադրման համար համայնքային հիմնարկների կամ համայնքի կարիքների համար գնումների մասին օրենսդրությամբ սահմանված կարգով ընտրվող օպերատորի, կամ «Պետություն-մասնավոր գործընկերության պայմանագրով սահմանված կարգով իրականացնող օպերատորի (այսուհետ՝ Կազմակերպության) գործունեության համար անհրաժեշտ է՝

1) ՀՀ կառավարության 2003 թվականի հունիսի 30-ի N 121-Ն որոշմամբ սահմանված կարգով տրամադրված վտանգավոր թափոնների գործածության գործունեության լիցենզիայի և համապատասխան ներդիրների առկայությունը.

2) Կազմակերպության կողմից օգտագործվող մեքենամեխանիզմների և սարքավորումների սեփականության կամ վարձակալության իրավունքը հավաստող փաստաթղթերի առկայությունը.

3) Աղբի հավաքման և փոխադրման աշխատանքներում ներգրավված աշխատակիցների՝ Կազմակերպության հետ աշխատանքային հարաբերությունները հավաստող փաստաթղթերի առկայությունը:

7. Երկարաժամկետ ներդրումների իրականացման նպատակով՝ աղբի հավաքման և փոխադրման ծառայությունների մատուցման համար կնքվում է պայմանագիր առնվազն մեկ տարով, բացառությամբ համայնքային հիմնարկների դեպքում:

8. Կազմակերպության տեխնիկական հագեցվածությունը, այդ թվում աղբահանության հատուկ մեքենամեխանիզացիայի քանակն ու տեսակը որոշվում է՝ հաշվի առնելով տվյալ բնակավայրի տարածքի չափերը, բնակչության թիվը և գոյացող աղբի ծավալները, ինչպես նաև մեքենամեխանիզացիայի անսարքության հնարավոր դեպքերը: Մասնավորապես կազմակերպության մեքենամեխանիզացիայի նվազագույն պահանջները հետևյալն են.

1) քաղաքային համայնքների դեպքում՝

ա. հետևի կամ կողային բարձումով, սեղմման հատկանիշով, առնվազն 7մ³ տարողունակությամբ, մինչև 1,1 մ³ տարողունակությամբ աղբարկղերի դատարկման հնարավորությամբ՝ կահավորված ավելներով, թիակներով, բահերով և այլ միջոցներով՝ առնվազն 3 հատ,

բ. բազմաֆունկցիոնալ մեքենաներ՝ առնվազն ավելի/փոշեհավաքման, ջուր/աղ ցանելու, ծնամաքման հնարավորությամբ կամ համապատասխան միջոցներով կահավորված բեռնատար և ջրցան մեքենաներ սանիտարական մաքրման աշխատանքների իրականացման նպատակով՝ առնվազն 2 հատ.

2) Գյուղական համայնքների դեպքում՝ ինքնաթափ՝ առնվազն 5 մ³ տարողունակությամբ՝ փակ թափքով՝ կահավորված ավելներով, թիակներով, բահերով և այլ միջոցներով՝ առնվազն 2 հատ:

9. Կազմակերպությունը պետք է ապահովված լինի աղբի հավաքման, սանիտարական մաքրման համար անհրաժեշտ գույքով, պարագաներով, ինչպես նաև ավտոտեխնիկայի նյութերով:

10. Կազմակերպությունը պատասխանատվություն է կրում աշխատակիցների «Հայաստանի Հանրապետության բնակչության սանիտարահամաճարակային անվտանգության ապահովման մասին» ՀՀ օրենքով և դրանից բխող այլ իրավական ակտերով սահմանված պահանջների ապահովման համար:

11. Կազմակերպությունն ապահովում է յուրաքանչյուր աղբահավաք մեքենայի հաշվով առնվազն երկու աշխատակցի, այդ թվում՝ վարորդ և առնվազն մեկ բանվոր:

12. Սանիտարական մաքրման աշխատանքներ իրականացնելու դեպքում Կազմակերպությունն ապահովում է յուրաքանչյուր 3000-5000 քառակուսի մետրի հաշվով առնվազն 1 աշխատակցի:

13. Վարակներից, մեխանիկական վնասվածքներից պաշտպանվելու նպատակով՝ Կազմակերպության աշխատակիցները պետք է ապահովված լինեն համապատասխան պաշտպանիչ և լուսային անդրադարձիչով արտահագուստով:

4. ԱՂԲԱՀԱՆՈՒԹՅԱՆ ԾԱՌԱՅՈՒԹՅՈՒՆՆԵՐԻ ՄԱՏՈՒՑՄԱՆ ՎԵՐԱԲԵՐՅԱԼ ՏԵՂԵԿԱՏՎՈՒԹՅՈՒՆԸ

14. Բնակչության համար հարմարավետ և էկոլոգիապես անվտանգ պայմանների և աղբի պատշաճ հեռացման ծառայությունների ապահովման նպատակով աղբահանության ոլորտի լիազոր մարմնին, ինչպես նաև տեղական ինքնակառավարման մարմիններին ըստ անհրաժեշտության տեղեկատվություն է տրամադրվում Կազմակերպության գործունեության համապատասխանելիության վերաբերյալ, մասնավորապես՝

1) մեքենամեխանիզացիայի համապատասխանելիության և դրանց աշխատունակության մասով,

2) աշխատակիցների արտահագուստի և անհրաժեշտ այլ պարագաների առկայության մասով,

3) համայնքին և բնակչությանը մատուցվող ծառայության որակի համապատասխանելիության մասով:

15. Տեղեկատվության ուսումնասիրության արդյունքում արձանագրված թերությունների դեպքում առաջարկվում է Կազմակերպությանը վերացնել դրանք և/կամ համապատասխանեցնել սահմանված նորմերին: